



Fréttabréf til forráðamanna í Glerárskóla

Glerárskóli Akureyri - 1. tbl. 14. árg

Ágúst 2024

Komið þið sæl og blessuð

Við bjóðum alla hjartanlega velkomna í hópinn okkar í Glerárskóla á þessu nýja skólaári. Framkvæmdir við nýja A-álmu, breytingar á C-álmu og tengingangi hafa gengið vel í sumar, allt að smella saman þó að allt sé ekki alveg fullklárað enn.

Við gleðjumst í hjarta nú þegar allir nemendur og starfsfólk er komið undir eitt þak en við höfum hlakkað gífurlega til þess.

Skólahúsnæði Glerárskóla er nú að verða hið flottasta og besta sem völ er á og starfið sem fram fer í skólanum er vel ígrundað og framsækið þar sem nemendur eru settir í forgrunn. Góður og fallegur skóli sem státar af frábæru starfsfólki, góðum nemendum og flottum forráðamannahópi. Getur ekki verið betra.

Skipulag fellur nú aftur í fyrra horf þannig að allir nemendur hefja skóla kl. 8:15 á morgnana og stunda sitt nám á einum og sama staðnum.

Hér á eftir koma nánari upplýsingar um allt skipulagið og fleira sem gott er að hafa í huga við skólabyrjun.

Glerárskóli heldur áfram að leggja mikla áherslu á faglega þáttinn í skólastarfinu. Kennarar vinna eins og alltaf að því að efla læsi og betri meðvitund nemenda á eigin námi.

Leiðsagnarnámið er þar efst á baugi ásamt jákvæðum aga og fagkennslu en með því að efla fjölbreytta kennsluhætti í skólanum leitumst við að efla sjálfstraust nemenda svo þeir verði ábyrgari gagnvart eigin námi, hegðun og samskiptum. Allt starfið byggir á Menntastefnu Akureyrarbæjar, aðalnámskrá grunnskóla og skólanámskrá Glerárskóla.

Við reynum alltaf okkar besta til að kenna nemendum Glerárskóla að taka ábyrgð á eigin lífi og gjörðum, eins og áður var nefnt, leita lausna á verkefnum sem upp koma í lífi þeirra, ræða saman og sýna umhyggju og kærleika gagnvart öðrum.

Auk þessa er Glerárskóli stoltur Grænfánaskóli til margra ára og því stöndum við vörð um nærumhverfi skólans og vonum að bæði nemendur, starfsmenn og forráðamenn séu meðvitaðir um umhverfismál, umgengni, flokkun og endurnýtingu.

Að venju bendum við öllum á að lesa fréttabréfið vel, fylgjast með tölvupóstum og heimasíðu/fésbókarsíðu skólans þar sem upplýsingar birtast reglulega auk vikupósta frá kennurum.





Við þökkum enn og aftur góða samvinnu á liðnum árum og förum full tilhlökkunnar inn í komandi skólaár. Með jákvæðni og samheldni tekst okkur að efla frábæran skóla fyrir krakkana okkar svo þeir styrkist með hverju skrefi.

Með kærri kveðjur frá stjórnendum Glerárskóla,
Eyrúnu, Tómasi og Hrafnhildi

Skólasetning Glerárskóla 2024-2025

Skólasetning Glerárskóla verður **fimmtudaginn 22. ágúst 2024** í íþróttasal skólans eða á körfuboltavelli (fer eftir veðri).

Skólasetningin verður sem hér segir:

- | | |
|------------------------|------------------|
| 2. - 4. bekkur | kl. 9:00 |
| 5. - 7. bekkur | kl. 10:00 |
| 8. - 10. bekkur | kl. 11:00 |



Að setningu lokinni fara nemendur í raðir og arka síðan með umsjónarkennurum í stofur og fá upplýsingar um skólastarfið.

Nemendur og forráðamenn 1. bekkjar verða boðaðir til viðtals þann 22. ágúst 2024.

Tölvupóstur um það kemur strax eftir helgina.

Föstudaginn 23. ágúst 2024 hefst skólastarf samkvæmt stundaskrá hjá 1. - 10. bekk.

Nokkrar hagnýtar upplýsingar í skólabyrjun

Skólahúsnæði Glerárskóla opnar klukkan **7:50 á morgnana**. Vinsamlega virðið þann opnunartíma og sendið ekki nemendur of snemma af stað í skólann.

Skóladagur hefst klukkan 8:15 á morgnana hjá 1. - 10. bekk.

Skóla lýkur kl.13:15 hjá 1. - 4. bekk og frá þeim tíma er frístund opin til kl. 16:15.

ATH! Staðfesta þarf skráningu nemenda í frístund fyrir 20. hvers mánaðar.

Skóladagurinn er mislangur hjá 5. - 7. bekk eftir dögum og á unglíngastigi fer það eftir valgreinum hvers og eins hversu langur dagurinn er.

Við gerum ráð fyrir að nemendur borði staðgóðan morgunmat en nemendur fá nestistíma á morgnana og bendum við forráðamönnum á mikilvægi þess að börnin séu með hollt nesti eða í ávaxtaáskrift. Einnig bendum við á að nemendur taka með sér heim aftur einnota umbúðir ef þeir koma með slíkt í skólann undir nesti og hvetjum við forráðamenn til að senda nemendur með sem minnst af slíkum umbúðum en nota frekar margnota box og brúsa.





Bendum einnig á að Glerárskóli er hnetulaus skóli að öllu leyti og því stranglega bannað að koma með mat í skólann sem inniheldur hnetur eða möndlur.

Nemendum er ekki leyfilegt að yfirgefa skólalóðina á skólatíma.


Matartímar eru þrískiptir í skólanum frá kl. 11:05 og allt til kl. 12:30.

Allar upplýsingar um skráningar í ávaxta - og mjólkuráskrift er hægt er að fá hjá ritara (sjá pósta frá ritara).

Matur í hádegi er án kostnaðar fyrir alla. Skráning verður áfram með óbreyttu sniði, þ.e. forráðamenn skrá börn sín í gegnum Völu-skólamatur og birtist þá 0 kr. kostnaður við þá skráningu.

Þeir sem eru skráðir nú þegar þurfa ekki að skrá sig aftur.

Alla aðstoð má fá hjá ritara skólans: brynja@akmennt.is eða 461-2666.



Áskriftin kostar eftirfarandi:

Mjólkuráskrift kr. 973 (pr. mánuð)

Ávaxtaáskrift kr. 2.199 (pr. mánuð, heill ávöxtur á dag)

Veðurfar á haustin er oft með ýmsum hætti hér á Íslandi eins og við öll vitum. Þessa fyrstu mánuði skólaársins fara nemendur mikið út, bæði í kennslu og að sjálfsögðu í frímínútum. Við biðjum forráðamenn að sjá til þess að **nemendur séu klæddir eftir veðri** og að alltaf séu **aukaföt** í skólatöskunni hjá þeim yngri, sérstaklega ef mikil bleyta er úti.

Allir forráðamenn eiga að hafa aðgang að **Infomentor** en ef einhver hefur glatað lykilorði sínu er hægt að hafa samband við ritara og fá nýtt. Infomentor opnar fyrir forráðamenn þann 22. ágúst 2024. Á heimasíðu Glerárskóla, undir flípanum Foreldrar, má finna notendahandbók Infomentor fyrir aðstandendur nemenda.

Innganga nemenda í skólann verður á tveimur stöðum þetta skólaár:

Inngangur við B-álmú: 1. - 4. bekkur

Inngangur við íþróttahús: 5. - 10. bekkur

Ath! Nemendur mega að sjálfsögðu ganga inn um hvorn innganginn sem er en skóhillur fyrir bekkina eru eins og áður er nefnt.

Umsjónarkennarar og stofur 2022-2023

1. bekkur	Helga Ingadóttir	B3
2. bekkur	Hólmfríður Guðnadóttir	B4
3. bekkur	Inga Huld Pálsdóttir og Kristín Guðrúnardóttir	B6 og B8
4. bekkur	Hanna Rós Jónasdóttir og Heimir Freysson	B5 og B7



5. bekkur	Lovísa Rut Stefánsdóttir	D4
6. bekkur	Íris Dröfn Hafberg og Jóhann Ingi Einarsson	D7 og D9
7. bekkur	Elín Elísabet Magnúsdóttir og Esther G. Gestsdóttir	D6 og D8
8. bekkur	Guðrún Hanna Sigurjónsdóttir	D2
9. bekkur	Arna Ýr Guðmundsdóttir og Ragnar Logi Búason	D1 og D3
10. bekkur	Karen Jóhannsdóttir og Sveinn Leó Bogason	A4 og A6
	Stoðþjónusta verður í öllum álmu skólans	
	List-og verkgreinar verða kenndar á fyrstu hæð A-álmu	
	ÍSAT kennsla verður við D-gang í Smiðju	
	Frístund verður í C-álmu	
	Náttúrufræði 7. - 10.b. verður kennd í A2	
	Iðjubjálfi, námsráðgjafi og hjúkrunarfræðingur eru staðsettir á fyrstu hæð D-álmu	

Starfsmannamál

Á komandi skólaári bætast sex starfsmenn í hópinn okkar í Glerárskóla. Þetta eru:

Hanna Rós Jónasdóttir, umsjónarkennari í 4. bekk
Kristín Guðrúnardóttir, umsjónarkennari í 3. bekk
Agnes Brá Baldvinsdóttir, stuðningsfulltrúi
Sigurður Fannar Þormóðsson, stuðningsfulltrúi
Viktória Venus Valdimarsdóttir, stuðningsfulltrúi
Helga María Ólafsdóttir, stuðningsfulltrúi
Natalia Ivenko, skólaliði og starfsmaður í Frístund

Við bjóðum þau öll hjartanlega velkomin í okkar góða hóp.

Auk þeirra kemur til með að starfa við skólann afleysingafólk til aðstoðar ef um veikindi eða önnur forföll er að ræða.

Reglur um farartæki á hjólum

Að öllum líkindum verður haustið ljúft og gott svo nemendur geti nýtt sér farartæki á hjólum til að koma í skóla og fara heim úr skóla. Við viljum minna á þær reglur sem um slík farartæki gilda og finna má á heimasíðu skólans.



Allir nemendur skulu nota hjálma og eingöngu nýta farartækin til að koma í og fara heim frá skóla. Einnig skal brýna fyrir nemendum að setja hjólin í hjólagrindur og alls ekki beint fyrir framan innganga að skólanum.

Við bendum forráðamönnum á að ef nemendur af einhverjum ástæðum eru á leiguhlaupahjólum, sem nú er hægt að leigja hér á Akureyri, eru þeir alfarið á ábyrgð forráðamanna þar sem aldurstakmark á þeim hjólum er 18 ár.

Sjá má á heimasíðu skólans myndband með reglum um notkun rafhlaupahjóla frá Samgöngustofu og reglur skólans um notkun farartækja á hjólum.

Bendum sérstaklega á að enn eru framkvæmdir í kringum Glerárskóla og því enn vert að brýna fyrir börnunum að fara eftir reglum, fara varlega og sýna mikla aðgát.

Framkvæmdir í Glerárskóla - Bílastæði

Eins og ljóst má teljast er framkvæmdum við A-álm (og C-álm) skólans ekki alveg lokið. Það hefur í för með sér að nemendur þurfa að fara að öllu með gát þegar þeir eru í skólanum, á leið í skóla eða heim.

Þeir sem verða við vinnu í álmunni aka inn og út um efri aðkeyrslu að bílastæði sunnan skólans og fara þaðan inn á byggingarsvæði sem verður afgirt þar til framkvæmdum er lokið.

Líkt og áður verður aðgengi að skólanum báðum megin við byggingarsvæðið fyrir gangandi (hjólandi) nemendur en við minnum forráðamenn á að nota sleppisvæðið ef nemendum er ekið í skólann en aka ekki inn á bílastæðið og sleppa þeim þar því það getur reynst hættulegt. Einnig er hægt að nota bílastæði ofan leikskólans Klappa.

Aka skal inn á bílastæði við skólann við Árholt og út við Klappir.

Þar sem við vitum ekki nákvæmlega hvenær framkvæmdum lýkur þurfum við að sýna þolinmæði en allir eru himinglaðir þar sem við erum nú loks öll komin undir sama þak sem er afar gleðilegt.

Allar nánari upplýsingar má fá hjá skólastjóra.

Helstu atburðir í ágúst og september 2022

Ágúst 2024	
22. ágúst	Skólasetning
23. ágúst	Skóli hefst samkvæmt stundaskrá hjá 1. - 10. bekk
27. ágúst	Útivistardagur - Frístund opin
September 2024	
2. september	6. bekkur Húni II
8. september	Dagur læsis
16. september	Dagur íslenskrar náttúru



20. september	Fótboltamót í 8. - 10. bekk grunnskóla Akureyrar
26. september	Evrópski tungumáladagurinn

Símafrí í grunnskólum Akureyrarbæjar

Til upprifjunar minnum við alla á að í öllum grunnskólum Akureyrarbæjar verður símafrí frá og með skólasetningu 22. ágúst komandi. Ekki er gert ráð fyrir að nemendur í 1. - 7. bekk komi með síma eða símaúr í skólann. Nemendur í 8. - 10. bekk geta skilið símann/úrin eftir heima eða sett í þar til gerða hirslu til geymslu yfir daginn og sótt að skóla loknum. Á föstudögum fá nemendur í 8. - 10. bekk að nota símann í frímínútum en þess á milli er hann hafður í geymslu.

Gott væri að forráðamenn færu yfir þetta með nemendum fyrir skólabyrjun og benda má á að tölvupóstur var sendur til allra um símareglurnar í vor.

Leyfisbeiðnir og veikindaskráning

Skólinn hvetur forráðamenn til að óska sem minnst eftir leyfi fyrir nemendur frá skóla þar sem nám þeirra er mikilvægt og skólaskylda er í landinu.

Við bendum forráðamönnum á að ef sækja þarf um leyfi í **1-2 daga** þarf að hafa samband við umsjónarkennara til að fá slík leyfi. **Senda þarf póst á kennarann og afrit á ritara.**

Ef um **3 daga** eða lengri leyfi er að ræða þarf að **sækja um þau rafrænt** á formi sem finna má á [heimasíðu skólans](#).

Athugið að slík leyfi þarf að sækja um með nokkrum fyrirvara svo hægt sé að gera ráðstafanir vegna náms nemenda.



Minnum einnig á að hægt er að **skrá veikindi nemenda beint inn á InfoMentor**. Ef það er gert þarf ekki að hringja í skólann og því getur það sparað bæði tíma og fyrirhöfn. **Athugið að skrá/tilkynna þarf veikindi daglega.**

Húnaferð 6. bekinga

Mánudaginn 2. september 2024 fara 6. bekingar í árlega sjóferð með Húna II. Fyrri hópur fer kl. 8 og seinni 11:30. Sjóferðin er í boði Hollvina Húna, Háskólans á Akureyri og Fræðslusviðs Akureyrarbæjar.

Ferðir með Húna II eru afskaplega skemmtilegar og fræðandi fyrir krakkana og því þakkarvert að fá að fara í slíkar ferðir.



Allar nánari upplýsingar koma frá umsjónarkennurum þegar nær dregur.

Nýtt fyrirkomulag með umsýslu á tölvum á unglíngastigi

Á komandi skólaári gerum við tilraun með nýtt fyrirkomulag á unglíngastigi með Chrome-tölvurnar. Hver nemandi mun fá sína eigin tölvu til afnota í skólanum, merкта með nafni og bekk. Hann ber ábyrgð á tölvunni, á skólatíma, varðandi meðferð, notkun og að koma henni í hleðslu að skóladegi loknum þannig að hún verði klár næsta dag. Gerður

verður samningur um notkun og meðferð á tölvu við hvern nemanda, sem undirritaður verður af nemanda og forráðamönnum. Teljum við mikla hagræðingu af þessu.

Glerárskóli, v/Höfðahlíð

603 Akureyri

Skrifstofa skólans er opin alla virka daga frá kl. 07:45 - 15:00 en

í fríum nemenda er hún opin frá kl. 10:00 - 12:00.

Sími skólans:: 461-2666

Netfang skólan: glerskoli@akureyri.is

Heimasíða skólans: glerskoli.is

Facebook síða: Glerárskóli

HUGUR - HÖND - HEILBRIGÐI

